



**Vun frieher un heit for Bensmer Leit  
Bergsträßer Anzeigebblatt 21.10.1950**



**E Erinnerung an de Feschdschbele 1913**



„Die Stimme aus Amerika“ — awwer net die im Radio — uff die heer ich net, weil ich kaan Radio mäih besitze duu — sonnern die Schdimm vum Nikolaus Mohr un soiner Fraa, die wuu mer im Noome vun alle ameriggaanische Bensmer neilich de Dank for moi Adiggel effendlich ausgeschbroche häwwe, hot mich wirrer dezuu uffgemunnert, in moim Gehärnskaschde rumzekraame un neie Geschichdelchin vun frieher und heit for Bensmer Leit zum Beschde ze gäwwe

Heit will ich Eich soue Schdiggelche vezaihle ausere Zeit, wuu weit zerickleit, uff dös sich awwer sicher noch veel Leit vun Bensmer un drummerumm erinnern kenne. Korz un gut. Im Joahr 1913 hot de Bensmer Kriegerveroin vunneme auswärtige Unnernehmer e Feschdschbeel uff die Baa schdelle losse, in dem wuu alle Beriehmtheite aus de vadderlennisch Geschieht heechschr eijehennig uffgeträäre sinn.

Doo hot mer die zwaa Nabollioone gesähe, de Grouße mit soiner „oalde Gadd“ un de Klaane mit soiner „junge Gaddin“, de Maschall „Vorwärts“ un all die, wuu uffde Gäjeseit rißwärts gange sinn, awwer aa de Kaiser Wilhäm de Aerschde, de Friedrich Wilhäm de Dritte, die Keenigien Luise, de Bismaick un de Moltke, de Roon un de Körner un noch sou un sou veel andern, wuu in deene Joahrn 1813-1815 un frieher orrer 1870-1871 min schbeerer e Roh geschbeelt häwwe. Die Oalde woarn begeischdert. Awwer veel vun de junge Leit häwwe mäinder uff die Uuzulenglichkeite oacht gebaßt un sieh driwwer luschtig gemoacht, als dass mit Schdolz däs Schdick Wältgeschicht miterlääbt hette, dös wuu sich doo uff de Biehn vum deitsche Haus oabgeschbeelt hot.

E poar Adiggelschreiwere in auswärdige Zeidunge häwwe die Feschdschbeele als „Kitsch“ bezeigend gehadde, un Darmschdärre Schdurenne häwwe schon in ehrer Schdadt die Uffiehrunge geschdeert un sich vogenomme, noach Bensmer ze kumme un aa hier Raddau ze schloae. Däs hot sich nadierlich glei bei uns rumgeschbroche. „Losse nor kumme!“, hots gehaaße, „deene wolle mer schon ehm Träff gäwwe!“

Samschdoags Oowens woar die ärschd Vorschdellung. Ich woar aa droi un häbb nur sou schdaune misse iwwer däs Uffgebodd vun Leit, däs wuu mer doo uff die Biehn gebroacht hot. Es woarn doich die Bank Bensmer, wuu doo die Kaiser un Keenige, die Schenerääl un die Schdaatsmänner, es neerige Fuß- un Reirervolk un, waaß de Deiwel noch woas alles daageschdellet häwwe. Wie de grouße Nabollioon uffeme Schimmel uff die Biehn kumme is, woar alles mucksmaiselschdill, weil zevoor de rummgäwwe worrn is, bei däre Sceen därfte net geklatschd wärrn, weil schunschd dem Nabollioon soin Schimmel schai wärrn kennt. Er is zwaar net schai worrn, doodefoor horrer awwer soi vier Baa ausenanner geschbreizt und hot däs von sich gäwwe, waas er in dem Aageblick besser for sich behoalte hett. De Nabollioon hot ganz veläje uff soim Gailche gehockt un is, wie alles vebei woar, uff de annere Seit vun de Biehn wirrer oabgererre. Mer hot glaawe kenne, däs Gailche heense oabsichtlich zu dem Zwäck uff die Biehn gefiehrte. Jetz hot alles oufange ze klatsche. En Trubb vum Nabollion soiner oalde Gadd mit schdrubbe Bärt un houche Belzkaabe is iwwer die Biehn wäkgemoacht. Se häwwe vewickelte Fieß un veressene House gehadde un häwwe de Rickzugg aus Rußland vorgeschdellet, Eiskoalt isses aam iwwer de Buggel gelaafe, wie uff aamool dicke Schnäiflocke

gefalle sinn, die sich in Form vun Waddebaichelchin bis in die vorderschde Zuschauerreihe veärt häwwwe. In dem Schdiil isses sou weirer gange, zwaa volle Schdunn lang, unerbroche vun Beifallsschdärm, Hendeklatsche un Oabsinge vun patrioodische Lierer un elledge Zwischeredde. Ich muß soage, daß ich deene Darrnschdärre Schdurenne innerlich net sou ganz uurächt gäwwwe häbb, awwer wär sich doo oabfellig geaißiert där weer ohne veel Färrerlääsens schbidoalfähig gemoacht worrn.

For de neechschde Doa, es woar en Sunndoa, woar e Noachmiddoagsvorschdellung um halwer drei vorgesahe. Ich bin groad am Metzjer Fuchs um die Eck gemoacht, doo hots gehaaße, die Darmschdärre Schurenne keemte. Wann ich aa ehr Maanung allmehlig gedaalt häbb, hots mich doch gewormt, dass sich in die Bensmer Vehältnisse noihenke wollte. Ich häbb riet däs wäje vorgenumme gehadde, wanns zum Krach keem, dichdig mitzehälfe un dene Fremme ze zeige, dasses in Bensem noch Leit genunk geebt, die bereit weern, de Glanz un de Ruhm vun ehrer Vadderschdadt bis zum letschde Drobbe Blut zu veteidige. Wie ich ans deitsche Haus kumme bin, hot schun en Haufe Leit uff die „Schdurennebuuwe“ gewoart, Weil awwer ehre Zugg Veschbeerung gehadde hot, sinnse net sou pinktlich uffde „Wahlschdatt“ erschiene. Doodefoor häwwwe awwer schon de Bismaick unde Roon, de Moltke un die zwaa Nabollioone, de Blicher unde Litzoff un die zwaa Wilhälme in voller Uniform un in aaner Aanigkeit baraad geschdanne, um deene Fremme de richdige Empfang zu bereire. Ich häb mich gäheniwwer von dene houche Perseenlicheite hieposchdiert. Die meischde häwwwe mer froindlich zuttgenuggd. Nor de grouße Nabollioon hat mich net beoacht weil ichen am Oowend vorhär wäje soim Gailche veebeit gehadde häbb. Groad hot mer de Bismaick zugeruufe, ich sollt mool an die Bahn schbringe un gugge, ob die Darmschdärre net ball keeme, do hots vun iwwroall här gekresche: „Se kummää, se kummää! Uffse! Haabt se dout!“

Un se sinn wäiklich kumme. Wiese am deitsche Haus woarn, hot e Gejouhl une Gekresch ougefange, daß mer soi aaje Wort net veschdanne hat. De Haupträdelsfiehler is an den Unnernehmer raugeträäre, där wie e daawi Nuß doogeschdanne hot, un horren uffgeforrert, soi Schbeel sofort oizeschdelle. Doo is de Kaiser Wilhalm uffen zu, harren am Schlawiddche genumme un en Schnärren gäwwwe un horren ougedunnert: „Liewer Froind, mach nor, daß de doo fortkimmschd, sunschd kriechde de Knorrn vahaawe, daß de net mäih waascht, obde e Bouche orrer e Määdche bischd!“ Däs woars Singnaal for die Bensmer. Die Gärmaania hot ehre Bruschedpanzer locker geschnallt, die Gallia hot ehr lange schwatze Locke noach Kinne geschdresche un de Moltke hot soim Rock ausgezooge un soi Hemdsärm ei uffgeschärzt. — Die Darmschdärre wollte ehre Kulleeg ze Hilf kumme, die Bensmer häwwwe gepaffe un gejouhlt un ball woar e Handgemeng im Gang, wie mers sich net schäiner hot vorschdelle kenne. De Roon mit soim dichte grooe Schnorres hot im Veoin mim grouße Nabollioon zwaa Darmschdärre am Wiggel gehadde un de Blicher hot zwische soi zwaa Finger gepaffe, um Veschdäikung beizeruufe. Doo sinnse awwer ougerickt kumme, die Torgoos un die Bayern mit ehre Raubehalm, die Litzoffische Jäger un die bayrische Schwollischee, die Franzouse un die Preiße, Infanterie un Gawallerie, korz alles, woas Baa gehadde hot, is ausem Oigang vum deitsche Haus rausgeschdärzt un hot in die Schloacht oigegreffe. Im Aageblick woar ich mädde in dem Geworschdel. Ich wollt die Geläijenheit benitze un schnäll de Kaiserin Eiegenie en Gruß vun moirn Froind Guschdav aus Minche ausrichte, do is de dritte Nabollioon an mich geflooge un hat mer mit soim Schdiwwel ausgerächend uff moi Hieneraag geträäre. Ich häwwem en Schumber gäwwwe, dass ball hiegeborzelt weer. Doo hot awwer die Keenigien Luise mich augerantz: „Sie schoofler Kär!“ hotse gesoat, „häwwwe se net gemäikt, daß däs moin Mann net oabsichtlich geduu hot? Fui Deiwel, ich deet mich scheeme!“

Uff aamool hots en Krisch geduu un alles is an die Boach geschdärzt. De Moltke hot aan vun deene Darmschdärre gepackt gehadde un korzerhand in die Winkeiboach geschmesse. Där is aa sauwer unner de Brick devuugeschwumme un hot um Hilf geruufe. Doo is schnäll en Bayer mit soim uffgeflanzte Baijenädd beigeschbrunge kumme un horren ans Färdige wirrer uffgefischd. Batschenaß wie er woar, hawwen zwaa Franzouse in Empfang genumme un häwwen uff die Sanideetswach gefiehr. Jetz is aa die Bollezei erschiene un hot feschdegschdellt, daß die Darmschdärre wäje growwe Uufuug un Zezammerottung, wann net goar wäje Landfriedensbruch belangt wärrn kennte. Die häwwe sich jetz uffs Bitte veleggt un houch un heilig veschbroche, ehr Läbbdoe net mäih noch Bensem ze kumme. Doo häwwe zwaa fremme Härren, die wuu de ganze Vorgang miterlääbt häwwe zu uns Bensmer gesoat: „Wann die Deitsche un die Franzouse vun jehär sou aanig gewääßt weern, wie heit bei Eich in Bensem, doo weer mancher unneerige Krieg vehinnert worrn.“

Unser Vadderschdadt hot alsoo schun im Joahr 1913 e Beispeel doodefoor gäwwe, wie nitzlich sich e Velkerveschdennigung auswäike kann. jst.



## Vum Gärwe



Unner deene sechsunuffzig Wärter un Ausdrick, die wuu de Bensmer for „Druffhaawe“ zor Verfiegung schdäihn, is aa en Ausdruck debei, den wuu ich noch all dem, woes ich aus de Vegangeheit vun Bensem weaß, for de „boodeschdennigste“ hoalt, neemlich die schoadefrouh Feschdschdellung: „Där hot schäi es Fäll gegärbt kriecht!“

Mim sälwe Räächd, mit dem wuu mer heit Bensem mit Schdolz „die Stadt der Schulen“ nennt, hett mors in moiner Jugendzeit „die Schdadt vunde Gärwer“ haaße kenne. Die Gärwerzunfd woar neemlich mool frieher die gräischd un ougesähenschd in Benimm. Se hot ins 16. Joahrhunnert zerickgereicht.

Wie ich neilich mool mit moim oalde Froind Ermer, dar wuu joo, ehnder, desser in die Woilandlung Guntrum oigeträäre is, inde Gärwerei Miller (Müller) beschäfdigt woar, zammekumme bin, hot sichs Geschbreech iwwer die oalde Zeire gäwwe. Groad iwwer die Gärwereie horrer veel ze vezähle gewißt.

Ich waaß, dasses heit noch veel Bensmer Familie gitt, die wuu frieher mool in ärjendem Zammehang mirrem Gärwerhandwäik geschdanne häwwe. For die soll düs, woas jetz kimmt, e Geläjenheit biere, sich in die Zeit zerickzevesetze in där wuu es Fäll „gärwe“ in Bensem noch äbbes oigebroachd bot. Un unser Jugend vun heit därf aa wisse, dasses beim „Fäll gärwe“ net Blei blooe Aage gäwwe bot, doodefoor awwer braune Frngernäggel. Mer hotse freilich zor doomoolige Zeit net for besuunerschd schäl gehoalte. De ganze Samschdoe Oo-wund bot rarer annen rummgeschrubbd, bisse wirrer oinigermaaße noimeal woarn. Awwer gäje die roure Kralle vuneme Deal vunde heftige Weibslait heense de Vegleich doch aushoelte kenne. Un wann sich heltzedoe manche Weibslait im Summer brou oumoole un sich doodemit de Ouschoi gäwwe wolle, als obbs die Sunn wunner wie gut murren gemaant hett, sou häwwe däs die friehere Bensmer Gärwer net neerig gehadde. Se woarn es ganze Joahr brou. Wammer heit awwer inde Zeidunge liest, daß die Schwindsucht, orrer, wiese de richdige Bensmer nennt, die Auszehrung immer mäinder iwwer Hand nimmt, sou hat souen Gärwer vun frieher soi gut Ruh devoor gehadde. Kaan Gärwer is schwinnsichdig worrn. Doodefoor hat schun die

Gärwerloh gesoigt. Die musses iwwerhaupt in sich gehadde häwwe. Sou hot mer en Daal devuu, foi gemohle an die Abbedeeke oabgäwwe. Doodemit is gegojeld worrn un mer hotse als Fußbädernmixduure vekaaft. Se hot alsou owwe geholfe un unne! Woas will mer dann mäinder? Doodezuu kimmt noch, daß die Hoarn, die wuu vorm Gärwe vunde Haid oabgeschoand sinn worrn, Filzhied gäwwe hot, die sunschdige Haidoabfäll ze Loim unn doodemit aa ze Gäld gemoachd worrn sinn, ja sogoar de Komboschd als Dung an die Duwwaksbauern noach Laadeboig vekaafd worrn is. Sou ärschd kommer sich e Vorschdellung devuu mache, woas fore Bedeidung die Gärwereie frieher for Bensem gehadd häwwe. Bensem woar for Lärren diräkd e Exportschdadt. Dann die Hauptsach vunde Gärwereie, alsou es Bensmer Lärren, is in die ganz Wält nausgange, noach Eestreich un noach Siedamerigga, noach Brasilie un noach Aschendienie, noach Bolievia un noach Schielee un sälschd noach Guademala. Gäll, do reißter es Maul un die Aage uff, liewe Lässer? — Hoalt! Ich häbb joo beinah die Hauptsach vegässe Vunde Loh sinn die Lohkees gemoachd worrn, die wuu frieher in kaam Bensmer Haushoeld gefehlt häwwe. Es Feier inde Aeiwe hot mer doomools nor mit Lohkees un Kiiholz ougemoachd. Im Aageblick woar souen Ouwe, in Brand. Aeäwe die Lohkees woarn aus gepräßder Loh gemoachd un die Maschien, wuuse in viereckige Schdigger geschneere hot, is mit de Hand geleiert worrn. Iwwroal hot mer däs Schhbriechel gehäjert:

„Es gitt nor aa Kaiserschdadt,  
Es .gitt nor aa Wien.  
Es gitt nor aan Karo,  
Där dreht die Maschien.“

Souen Lohkees, den wuu die mäinschde Leit noch gedaalt häwwe, hot mer for zwaa bis drei Penning kaafe kenne.

Daß frieher mool in Bensem „es Gärwe“ e Hauptroll geschbeelt hat un zwoar es ganze Joahr iwwer, alsou net wie heit ineme annern Sinn, nor beim Winzerfeschd un sou kommer schun doodraus sähe, dasses heit noch e Gärwergaß gitt. Sogoar es Gärwerwabbe, in Schdaa gemaaselt is noch erhoalde. Am Eckhaus vunde Gärwergaß un vunde Neigaß, is iwwerde Hausdeer, wuu mer die Dräbbe nuffgäiht en Schlußschdaa ze sähe mit de Joahreszoahl 1810 unde Buchschdaawe J. B. M. Där wuu däs schäine grouße Haus gebaut hot, woar de Gärwermoaschder Johann Baptist Müller, de reiche Miller, wien die Bensmer frieher genannt häwwe. Im Wabbesdiild isse Scheermässer, e Schoabmässer une Falzeise, laurer Wäikzaik, wuu frieher die Gärwer gebraucht häwwe zu sähe.

Die mäischde Bensmer Gärwer häwwe Miller (Müller) gehaaße. Ehr Gärwereie häwwe ande Winkelboach entlang geläje, die wuu ganz frieher aa mool „Laabach“, „Laarbadi“ d. haaßt Gärwerboach genannt worrn is. In moim Buch „Das alte Bensheim in Einzeldarstellungen“ kennter däs gena noachlääse. Es Millers ehr Gärwereie häwwe sich owwe vunde oalde Blaasch ande friehere Scheembäijer Schdroaß bis nunner zum Rinnedoor ausgedehnt. Aan Miller. de Sebastian, hot soin Gärwereibetrieb am Schbidoalplatz, im oalde Aawäse vunde Woihandlung Feigel gehadde, an dem mool die Zähler Boach offe vebeigeflosse is. Im Joahr 1893 woarn in Bensem not noch zwaa Gärwereie im Betrieb, die vum Philipp Franz Miller, gäjeniwwer vunde Brauerei Guntrum un die vum Kummerziroat Guschdav Miller, Die aa is 1893 oigange un die anner im Joahr 1905. Vun doo oab hots kaa Gärwereie mäih in Bensem gäwwe. Oelde Bensmer erinnern eich noch ende Hohbäiktorm. In soim uffene Fachwäik woars Kobblärren aus de Gärwereie Guschdav Miller zum driggele uffgehenkt. Mer sieht, an alle Ecke un Enne is mer in Bensem frieher mool uffs Gärwerhandwäik uffmäiksam gemoacht worrn. Awwer aa an annern Schdel'e is mer uff Gärwereie geschdouße. Uff dem Raum vunde heidige Gärtnerie Zorn, em oalde Schloachthaus, em Aawäse Hager un Ermer hot aa mool e

Gärwerei beschdenne. De Besitzer hot Fillauer gehaaße un gewohnt hot där im heitige Heus Zorn. — E annri Gärwerei hot vunde Wilhälmschdroaß bis nunner die Fählemer Schdrooß gereicht. Es woar däs die Gärwerei Heinz. Es Wohnhaus schdaiht heit noch in de Wilhälmschdroaß räächds, wannmer vum Deutsche Haus roikimmt. Die eijendlich Gärwerei hot sich uffem Grunnschdick M. M. Schmidt hefunne. Die Gärwer vunde Gärwerei Heinz häwwe faschd all inde Dauwertsgaß gewohnt.

Mer sieht aus all dem: Bensem hot mool als Schdadt vunde Gärwer e grouß Bedeidung gehadde. Es is ganz gut, wammer sou hie un doo mool souen Rickblick in die Vegangeheit wärft. Es effend aam die Aage iwwer manches, woas bei de Oalde lengschd in Vegässenheit geroare is un woas unser heidig Juugend iwwerhaupt net wisse kann. Frieher un heit is freilich en groußer Unnerschied, inde Vehältnisse un im Denke vunde Leit, awwer wär die Gäjewaad veschdäih will, for den isses gut, wanner aa woas vunde Vegangeheit waaß. Die heitige Leit sinn uffgekleerter als wie die vun doomools. Doomools isses mool vorkumme, daß en Aawieder zume Gärwermoaschder, där wuuem den ortsiibliche Daggeloh vun zwaa Maik ougeborre hot, ganz uffgebroachd gesoat hot: „Naa! Naa! Woas glaawese dann? Unnerem Gille schaff ich net.“ — En Gulde woarn souveel wie e Maik un siwwezig Penning! — jst.



## Rings um die Lieb



Die Lieb schbeelt im Lääwe e groußi Roll. Wuuhie mer guggd begäijend mer ehre Auswäikunge. Ze vegleiche isse mirrere grouße Schlingblanz. Die umschlingt alles un wammerse nor owwerflächlich betroachde dutt, leßt se aam mit ehre schäine roure Blume vun aaner Bewunnerung in die annere geroare. Awwer wär Schlingblanze kennt, woaß aa gena, dasses unner deene oft ganz annerschd aussischt, als wie sich's beim flichdige Hiegugge ahne leßt. Wie veel Blanze und Blenzelchin veschdigge drunner un kriehn die Krenk, weilse sich aafach gäje däs Monschdrum net wäijern kenne. Unner de Mensche tritt die Lieb in de veschiedenschde Forme uff. Nor wär Glick hot, läärnt die Lieb vun ehre beschde Seit kenne. Awwer die annern? Die oame Deiwel babble nor net driwwer!

Hie un doo kriecht mer die Lieb als Nechschdelieb ze schbiern. Awwer nor ganz sälde, unn doonoch isse mit Vorsicht ze genieße. E oaldi Erfahrung bewoahrheit sich doodebei oft: Vun dem, wuu die Leit am maischde babble, häwwese sälschd am wenigschde. Es hot mool in meiner Juugendzeit en Mann In Bensem gäwwe, där hot aus puurer Neechschdelieb manchem aus de Batsch geholfe. Wie dann där betreffende awwer geschdorwe woar, homer dem seiner Fraa en Schuldschoi vorgewesse un hot sich däs noch mool rausgäwwe losse, woas lengschd zerrickbezoahlt woar. Iwwer sei Neechschdelieb horrer neemlich ganz vegässe gehadd, den Schuldschoi zeverrobbe, woaser dem leichgleiwige oarme Schlucker houch un heilig versichert hot. - Ja, un wie schdäihts mit de Hoimatlieb? Veel Leit singe rihrselige Lierer devuu, häwwe awwer ehr Hoimat ball vegässe, wannsen wuu annerschd besser gäiht. Kaum sinnse zum Beischbeel e poar Joahr von Bensem wäk, do kennese schunn net mäih Bensmerisch babble. Veel schlimmer isses, dasses zudem noch ehr aijnes Näscht be..... wuuse uffgezooze sinn worrn un alles drauß veel besser schäiner finne, als wie dehaam.

Hie un doo kimmt die Lieb noch als Vadderlandslieb vor, säldner als Neigungseh, oft awwer als Gäldheiroat.

Bei Diern is die Lieb aa gelaifig. Doo isse manchmool noch uuefälschder als wie bei de Mensche. Besunnerscht bei de wilde Diern, vuu wunde Mensche noch nix oabgeguggd häwwe, isse am meischde ausgebild. Die losse sich liewer umbringe, als dass e Ehr Junge annern iwverlosse deen. Es gitt freilich aa Raaweäldern unner deene, awwer die Affelieb wärd ärschd gefährlich, wann sich de Mensch em Aff gleichgeschdellt hot.

Bei de Hausdiern isses wirrer annersch. Die häwwe vumm Mensch schun zu veel geläernt. Die Hauskatz leßt sich zum Beischbeel e Ehr Kätzelchin wäkemme un schnorrt debei, weilse ounimmt, dass in de Hend vunn annern aa gut uffgehowwe weern. Doodebei wärrnse glei druff haamlich um die Eck gebroacht. Ehnlich denke veel Leit, wannse e Ehr Dochder an aan vehaijern, där wuu veel Gäld hot orrer sunschd wie hälfe kann. Wie oft is doo schunn aus dem veschbrochene Himmel e woahri Hell worrn. Und wies bei de klaane is, sou isses aa bei de Grouße. Iwver Färschdeheiroate, besunnerschd in friehere Zeire woäß mer joo Bescheid. Doodefoor hot freilich aa schun mancher Rittersmann vun anno doozemool den Kampf mirreme Drache gewoagt, nor weil er e Keenigsdochter orrer e anneri Jungfraa befreie wollt, wuu vun dem Biest bewacht worrn is. Schbeerer, wie er se endlich gehadde hot, hot sich erausgeschdellt, dass sich ball zu eine gräißere Drache ausgewoachse hot, als wie där woar, den wuu er im Kampf um Doud un Lääwe oabgemurxt bot. Ja, wammer nor alles im Voraus wißt. Er hettse dem Udier dann liewer gelosse.

Ehnlich isses mool sällem junge Mann gange, där wuu baduu geglaabt hot, er kennt ohne die Anni net lääwe. Aerschd wie aus de Anni e anneri worrn is, horrer so in Aerrdum oigesähe. Es woar awwer zu schbeet. Häljert nor:

Wie er soi Anni hot gefreit  
Un korz druff aa gehaijert,  
Horror geschwelgt in Seligkeit  
Un oftmoals e Ehr bedeiert:  
„Ach Anniche, wie ich Dich lieb,  
Däß kann kaan Mensch ermässe!  
Am liebschde deet aus teurer Lieb  
Ich heit noch uff Dich frässe!“ — —

Doch woar schun noach de ärschde Joahrn  
Vun Lieb nix mäih ze mäike.  
Se leihn sich schdennig in de Hoarn  
Und fluche wie die Däike.  
Er schitt e Ehr ins Gesicht die Soos  
Mitsamt soim Middoagsässe  
Un kreischt: „Hett ich Dich Deiwelsoos  
Nor doomools uffgefrässel“

Ja die Lieb — die Lieb isse Feierzeik, mit dem wuumer orik vorsichdig umgäih soll, sunschd vebrennt mer sich leicht die Finger. Dann e Feierzeik is kaa Schbeelzeik, veschdanne. Trotzdem gäihn veel orik uuvorsichdig mit um. Es wärd drufflous gehaijert, dasses nor souen Schdaat is. Un es Enn vum Lied? — Doo haijern sich Päärchin, die wuu mer am liebschde noch schnäll vorde Hochzig ausenanner robbe meeht, weil mer waaß, dass net zamme passe. Awwer wär will de Katz die Schäll ouhenke? Es weer grad sou, als wammer sich in en Schdreit, wuu sich e poar Hitzeblitz gäjeseitig vahaage, noi-

henke wollt. Am Enn kreeschd mer vun alle zwaa sei Schlee. Mer freegt sich oft: Wie sinn dann die zwaa iwwerhaupt zamme kumme? De aane erkleert sichs mit de Gäjefroag: „Wie kimmt Kuhmeschd uffs Dach?“ De anner maant, „die Lieb uffde ärschde Blick“ weer Schuld drou gewääst. Awwer ich behaupt uff Grund vun mancher Erfahrung: Die Lieb uffde ärschde Blick bringt nor in Romaase un Ziaarerschdicke Glick, doch im gewehnlische Lääwe dabbt mer doodemit meischt denääwe. Däs mit dem Kuhmeschd will ich net neher ererdern.

Woas is dann iwwerhaupt Lieb?“ hot mich neilichmool e Frailoinche gefroagt un hot schmeichelhaft zugefliegt: „Se wisse doch alles.“ „Ja, Frailoinche“ hääb ich gesoat, „wann Sie däs net wisse, wie kennese dann velange, daß däs en Mann noch waaß, där wuu schun ball aanunsiebzig Joahr is?“ „Es Aelder schbeelt doch in de Lieb kaa Roll“, hot das Liewesje gemaant. „Awwer en Oalde kann doo-debei leicht aus de Roll falle, lieb Kind!“ häwwich zor Antwort gäwwe. „Awwer die Sach inträssiert mich sälbschd. In moiner Jugendzeit häwwich mer neemlich niemols Rächenschaft driwwer gäwwe. Im Aelder is mer awwer noachdenklicher worrn. Awwer däs aane soag ich Ihne: ich gäbb moi Ordaal nor schrifdlich oab. Lääsese moin Bericht im „Bäikschdräßer“ unner de Iwwerschrift ‚Rings um die Lieb‘ un Sie wisse gena, wie ich heit iwwer den Gäjeschdand denk.“ — Hoffentlich liestses.

Woas kann es Wärtche „Lieb' beide? —  
De Urschbrung vuneme Närkeleide,  
Glickseligkeit — en Seeleschmärz,  
En Worm, wuu schdennig noagt am Härz,  
Die häichschd Erfüllung un Endeischung,  
E gäjeseitig Härzensneigung,  
E Liejerei uff beide Seite,  
E Näckerei um Klaanigkeite,  
En Ouschborn un en Grund zum Schdrääwe,  
En grouße Daal vum Menschelääwe,  
En Hoffnungsschdroahl — en Wärmutsdrobbe,  
En Grund, die Hoarn sich auszerobbe,  
Die Wieg vun Schdreit un vun Vedruß,  
En Sälbschdbetrug — e houhli Nuß,  
Flackerfeier un en Brand,  
Wuu kaans ze lesche is im Stand,  
süß Geheimnis — häischde Glut,  
Net sälde aa Beweis vun Mut,  
En Grund zum dichte un zum drinke,  
Eruff ze kumme un ze sinke. — Groad wie es Schicksoal es hoalt wollt:  
E Hand voll Dräck — e Hand voll Gold! — jst.